



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-473-4/25**
Datum: **29.12.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «SECOM» d.o.o. Visoko za donošenje rješenja o vodnoj dozvoli za aktivnost u postupku rada objekta koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje otpadnih voda u prirodni recipijent sa lokaliteta pogona za preradu drveta u naselju Mulići, grad Visoko, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «SECOM» d.o.o. Visoko daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta i za ispuštanje onečišćenih otpadnih voda u prirodni recipijent sa lokaliteta pogona za preradu drveta izgrađenog u naselju Mulići, na zemljištu označenom kao k.č. broj: 527, 528/1, 528/2, 530/1, 530/2, 530/4, 530/5, 531, 532 i 534 K.O. Alaudin, grad Visoko.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode za sanitarne i tehnološke potrebe i ispuštanje sanitarno fekalnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, u skladu sa članom 139. stav (2) tačka 1. i 2. Zakona o vodama ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana Zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 3.1. Da se upotreba i korištenje predmetnog proizvodnog pogona za preradu drveta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da korisnik predmetnog pogona, za vrijeme trajanja ove dozvole, izgradi posebno vodonepropusno taložno okno za prihvatanje kondenzata nastalog u procesu parenja drveta. Taložno okno mora biti izvedeno bez prelijeva kako bi se onemogućilo da kondenzat iz parione dospije u izgrađeni kanalizacioni sistem za prihvatanje onečišćenih otpadnih voda kompleksa odnosno u površinske vode. Taložno okno zaštititi od uticaja atmosferskih voda u cilju prevencije nekontroliranog izlivanja sadržaja na okolni teren. Čišćenje i pražnjenje taložnog okna u kome će se prikupljati kondenzat iz parionice može vršiti isključivo firma ovlaštena za tu vrstu djelatnosti, prema posebnom ugovoru.
 - 3.3. Nakon izgradnje vodonepropusnog taložnog okna za prihvatanje kondenzata nastalog u procesu parenja drveta, blindirati ispust iz ranije korištenog taložnog kanala.
 - 3.4. Da korisnik predmetnog pogona, za vrijeme trajanja ove dozvole, obezbjeđuje da se otpadne vode od pranja trupaca zajedno sa onečišćenim oborinskim vodama sa radnih platoa, saobraćajnih i manipulativnih površina, nesmetano sakupljaju i odvede do objekta predviđenog za tretman otpadnih voda (separator ulja i masti), a zatim ovako tretirane vode ispuštaju u recipijent- rijeku Bosnu.
 - 3.5. Prečišćene otpadne vode, prije ispuštanja u recipijent - rijeka Bosna moraju ostati u maksimalno dopuštenim granicama definisanim u Prilogu 1. Tabela 1.1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.6. Objekte koji se trenutno koriste u svrhu prikupljanja, odvodnje i tretmana otpadnih voda nastalih pranjem trupaca, oborinskih voda sa platoa i manipulativnih površina (slivničke rešetke, kanalizaciona mreža, separator ulja i masti i sl.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.

- 3.7. Vlasnik odnosno korisnik predmetnog pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring prije ispusta u recipijent – rijeka Bosna, u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.8. Čišćenje i pražnjenje separatora ulja te skladištenje i zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz separatora ulja i masti kao i preuzimanje drugog opasnog otpada.
 - 3.9. Da se prikupljanje i privremeno skladištenje piljevine i otpadaka od drveta iz procesa prerade vrši na način da se onemogući njegovo rasipanje po okolnom terenu.
 - 3.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa čvrstim opasnim i neopasnim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.11. Sadržaj (mulj) iz separatora, taložnog kanala, taložnog okna (nakon izgradnje), piljevina, drvni otpad kao i ostali otpad koji nastaje na predmetnom lokalitetu ne smije se odlagati na česticu «vodno dobro», odnosno u vodotok i na njegove obale.
 - 3.12. Vlasnik odnosno korisnik pogona je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik pogona je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda (tačka 25. tabele) te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ukoliko prilikom upotrebe predmetnog pogona za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 10. U ovoj upravnoj stvari plaćene su sve upravne takse.
 11. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 6 (šest) mjeseci od dana pravosnažnosti ovog rješenja.
 12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
 13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «SECOM» d.o.o. Visoko obratilo se ovoj Agenciji dana 07.11.2025. godine sa zahtjevom za donošenje rješenja o vodnoj dozvoli za proizvodni pogon za preradu drveta izgrađen u naselju Mulići, na zemljištu označenom kao k.č. broj: broj: 527, 528/1, 528/2, 530/1, 530/2, 530/4, 530/5, 531, 532 i 534 K.O. Alaudin, grad Visoko.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji broj: 043-0-Reg-11-000748 izdatog dana 30.06.2011. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 10.02.2012. godine od strane Porezne uprave Federacije BiH - Kantonalni porezni ured Zenica,
- Ovjerena kopija Uvjerenja o registraciji obveznika poreza na dodanu vrijednost: 04/5-1/IV-17-1-5684-1434/05 izdatog dana 03.05.2006. godine od strane Uprave za indirektno-neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-7649/15 izdatog dana 07.04.2015. godine od strane Službe za statistiku za područje Zeničko-dobojskog kantona,
- Ovjerena kopija Rješenja o davanju saglasnosti za obavljanje djelatnosti rezanja drveta broj: 04-18-394-6/01 izdatog dana 06.07.2001. godine od strane Ministarstva za privredu/gospodarstvo Zeničko-dobojskog kantona,
- Ovjerena kopija Rješenja o upotrebnoj dozvoli broj: 03/3-23-8-22/06 za kompleks pilane i vanjskog uređenja, izdatog dana 04.09.2006.godine od strane Službe za prostorno uređenje, imovinsko-pravne, geodetske, stambeno-komunalne poslove i zaštitu okoline Općine Visoko,
- Ovjerena kopija Rješenja o upotrebnoj dozvoli broj: 03/1-23-4-17/12 za pomoćnu zgradu (nadstrešnicu) izdatog dana 25.07.2012. godine od strane Službe za prostorno uređenje, imovinsko-pravne, geodetske, stambeno-komunalne poslove i zaštitu okoline Općine Visoko,
- Ovjerena kopija Rješenja o upotrebnoj dozvoli broj: 03/1-23-4-22/13 za pomoćnu zgradu (nadstrešnicu-skladište) izdatog dana 19.05.2014. godine od strane Službe za urbanizam, imovinsko-pravne, stambeno-komunalne poslove i katastar nekretnina Općine Visoko,
- Ovjerena kopija Rješenja o upotrebi građevine (objekat za sušenje drveta i kontrolne prostorije) broj: 12-23-111 izdatog dana 21.12.2011. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o upotrebi građevine (objekat za sušenje drveta) broj: 12-23-08053/15 izdatog dana 19.11.2015. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o okolinskoj dozvoli broj: 12-23-04934/19 izdatog dana 18.10.2019. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Mišljenja broj: UP1-12-19-5737/24 izdatog dana 08.07.2024. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (objekat ne podliježe obavezi pribavljanja okolinske dozvole),
- Kopija Rješenja o vodnoj dozvoli broj: UP-I/25-3-40-515-4/16 izdatog dana 06.01.2017. godine od strane «Agencije za vodno područje rijeke Save» Sarajevo,
- Ovjerena kopija Izvještaja o monitoringu kvaliteta i kvantiteta otpadnih voda drvne industrije «SECOM» Visoko urađen od «Inspekt-RGH» d.o.o. Sarajevo (broj: 1653/25, septembar 2025. godine),
- Ovjerena kopija Ugovora o poslovnoj saradnji broj: 64/25 zaključenog dana 10.02.2025. godine između «SECOM» d.o.o. Visoko i «Inspekt-RGH» d.o.o. Sarajevo,
- Ovjerena kopija Ugovora broj: 1580/23-DS o zbrinjavanju otpadnog, iskorištenog ulja, starih filtera i sl zaključenog dana 11.10.2023. godine između «SECOM» d.o.o. Visoko i «DELTA PETROL» d.o.o. Kakanj (prilog: faktura broj: 0031516-1 od 10.10.2025. godine – zbrinjavanje starog ulja),
- Izvedbeni projekat vanjskog uređenja za proizvodni objekat: Parionica i sušionica drvnih sortimenata u naselju Mulići – Visoko Investitora «SECOM» d.o.o. Visoko urađen od strane «SINTEZA» Visoko (šifra 98/00-a, juli 2001. godine) - na uvid,

- Izvedbeni projekat za proizvodni objekat: Parionica i sušionica drvnih sortimenata u naselju Mulići – Visoko, Investitora «SECOM» d.o.o. Visoko urađen od strane «SINTEZA» Visoko (šifra 98/00, novembar 2000. godine) - na uvid,
- Izvedbeni projekat za sušare urađen od strane «SINTEZA» Visoko (šifra G-13-15, februar 2015. godine) - na uvid,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog pogona i tom prilikom je sačinjen Zapisnik o uviđaju broj: UP-1/21-3-40-473-3/25 od 04.12.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni pogon za preradu drveta «SECOM» d.o.o. Visoko izgrađen je u naselju Mulići, grad Visoko neposredno uz lokalni put Visoko-Porječani sa jedne i željezničke pruge Sarajevo-Zenica sa druge strane. Unutar ograđenog i uređenog kompleksa nalaze se sljedeći objekti: poslovna zgrada, stovarište oblovine, pilana, proizvodni pogon za krojenje suhe građe, pogon za proizvodnju masivnih ploča, skladišni prostor zatvorenog i otvorenog tipa, kotlovnica, sušare i parionica, silosi za piljevinu, briketara i ostali prateći objekti. Prosječan kapacitet prerade je oko 8.000 m³ trupaca/godišnje. Krajnji proizvod je suha rezana građa, ljepljene drvene ploče, namještaj, gazišta, briketi.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-I/25-3-40-515-4/16 od 06.01.2017. godine.
- Snabdijevanje vodom za sanitarne potrebe je obezbijedeno sa gradskog vodovodnog sistema a za tehnološke potrebe i hidrantsku mrežu sa vlastitog vodozahvata (izgrađen poseban rezervoar za potrebe hidrantske mreže).
- Sanitarno-fekalne vode iz sanitarnih blokova se prikupljaju zasebnim kanalizacionim sistemom sa ispuštom u septičku jamu.
- Piljevina nastala u postupku obrade drveta prikuplja se zatvorenim sistemom odsisa i odvodi u silos. Otpad od drveta i piljevina se koriste za proizvodnju briketa u vlastitoj briketari te kao energent u postupku zagrijavanja kotlova u postupku parenja i sušenja drvene građe.
- Otpadne vode iz parionice (kondenzovana para iz procesa parenja drvenih elemenata) se preko betonskog taložnog linijskog kanala-neutralizatora ispuštaju u izgrađeni kanalizacioni sistem kompleksa za prihvatanje ostalih otpadnih voda.
- Otpadne vode nastale pranjem trupaca se zajedno sa onečišćenim oborinskim vodama sa platoa i manipulativnih površina prikupljaju sistemom linijskih slivničkih rešetki te kanalizacionim sistemom odvođene na tretman u separator ulja i masti. Krajnji ispušni prečišćenih voda je preko okna za monitoring u rijeku Bosnu.
- Monitoring otpadnih voda se vrši redovno. Na uvid predložen izvještaj o monitoringu kvaliteta i kvantiteta otpadnih voda urađen od strane «Inspekt-RGH» d.o.o. Sarajevo za septembar 2025. godine. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog proizvodnog pogona i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 6. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «SECOM» d.o.o. Visoko ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje onečišćenih otpadnih voda u prirodni recipijent sa lokaliteta pogona za preradu drveta izgrađenog u naselju Mulići, grad Visoko, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-473-2/25 od 28.11.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 08/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «SECOM» d.o.o. Visoko
Mulići bb, 71300 Visoko
- ☉ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava